

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 54. stav (2) Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 181. sjednici, održanoj dana 25.03.2019. godine, d o n o s i

ZAKLJUČAK
o usvajanju Izvještaja o realizaciji Programa utroška sredstava
za uređenje poljoprivrednog zemljišta u 2018. godini

I.

Usvaja se Izvještaj o realizaciji Programa utroška sredstava za uređenje poljoprivrednog zemljišta u 2018. godini, Ministarstva za poljoprivredu, šumarstvo i vodoprivredu i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____ /19
Datum, 25.03.2019. godine
Zenica

PREMIJER
Miralem Galijašević

DOSTAVLJENO:
1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.



**BOSNA I HERCEGOVINA
FEDERACIJA BOSNE I HERCEGOVINE**

ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**

IZVJEŠTAJ
*o realizaciji Programa utroška sredstava
za uređenje poljoprivrednog zemljišta u 2018.godini*

Zenica, februar 2019. godine

IZVJEŠTAJ
O REALIZACIJI PROGRAMA UTROŠKA SREDSTAVA ZA UREĐENJE
POLJOPRIVREDNOG ZEMLJIŠTA U 2018. GODINI

Program utroška sredstava za uređenje poljoprivrednog zemljišta u 2018. godini, Vlada Zeničko-dobojskog kantona usvojila je Zaključkom broj: 02-14-5579/18 od 23.03.2018. godine.

U Budžetu Zeničko-dobojskog kantona za 2018.godinu ("Službene novine Zeničko-dobojskog kantona", broj: 1/18), u razdjelu 23, budžetska organizacija 01, potrošačka jedinica 0001, ekonomski kod 614 400, NAD 404, pozicija "Finansiranje projekata iz sredstava za pretvaranje poljoprivrednog zemljišta u nepoljoprivredno zemljište", planirana su sredstva u iznosu od 1.000.000,00 KM (slovima: jedanmilion konvertibilnih maraka).

Po usvajanju Program utroška sredstava za uređenje poljoprivrednog zemljišta u 2018. godini, ministar Ministarstva donio je Uputstvo o korištenju sredstava za uređenje poljoprivrednog zemljišta, prikupljenih od naknada za promjenu namjene poljoprivrednog zemljišta broj: 05-24-7307/18 od 24.04.2018. godine (u daljem tekstu: Uputstvo), objavljen je Javni poziv za uređenje poljoprivrednog zemljišta za 2018. godinu u dnevnim novinama „Dnevni avaz“ Sarajevo i „Oslobođenju“ Sarajevo te su podnesene prijave na Javni poziv.

Pravo na korištenje sredstava po ovom Programu imaju pravna i fizička lica, vlasnici poljoprivrednog zemljišta sa područja ovog Kantona, koji ispunjavaju propisane kriterije iz Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15), Programa utroška sredstava za uređenje poljoprivrednog zemljišta u 2018.godini i Uputstva.

Sredstva od 1.000.000,00 KM koja su planirana po Programu utroška sredstava za uređenje poljoprivrednog zemljišta u 2018. godini, u izvještajnom periodu realizovana su sa 1,98%.

Red br.	NAZIV PROGRAMA	Odobrena sredstva po programu (KM)	Realizovana sredstva (KM)
1	Program utroška sredstava za uređenje poljoprivrednog zemljišta u 2018. godini	1.000.000,00	19.839,00
	UKUPNO :	1.000.000,00	19.839,00

Na Javni poziv dostavljeno je ukupno 8 zahtjeva od kojih su 3 zahtjeva sa ispunjenim

kriterijima prema Javnom pozivu, Programu i Uputstvu. Rješenjem ministra broj: 05-24-2407-14/18 od 12.07.2018. godine i broj: 05-24-2407-13/18 od 12.07.2018. godine imenovane su stručne komisije za ocjenu potrebnih i provedenih mjera uređenja poljoprivrednog zemljišta. Komisije su formirane u skladu sa Odlukom o korištenju sredstava prikupljenih od naknada za promjenu namjene poljoprivrednog zemljišta i Uputstvom, a sastavljene su od stručnih predstavnika Ministarstva (dva člana) i stručnih predstavnika općina u kojima se realizuju zahtjevi (dva člana). Komisija je obavila nulti i kontrolni pregled na parcelama kandidovanim za uređenje, te sačinila nulte i kontrolne zapisnike o uređenju, izvršila ocjenjivanje i bodovanje provedenih mjera, shodno Uputstvu i utvrdila prijedlog iznosa sredstava. Neposrednim uvidom i ocjenjivanjem, jedan zahtjev je odbijen iz razloga što nisu provedene mjere uređenja na predloženoj parceli.

Broj kandidata koji su ispunili uslove za uređenje poljoprivrednog zemljišta	Uređena površina (ha)	Realizovana sredstva (KM)
2	6,55	19.839,00

Postignuti efekti korištenja sredstava za uređenje poljoprivrednog zemljišta:

- povećanje nivoa poljoprivredne proizvodnje;
- očuvanje poljoprivrednog zemljišta od promjene namjene u narednih 10 godina;
- omogućavanje ekonomičnijeg pokretanja poljoprivredne proizvodnje;
- namjensko korištenje poljoprivrednog zemljišta;
- poboljšanje strukture zemljišta, fizičkih, hemijskih i bioloških osobina zemljišta;
- sprečavanje erozija kao posebnog odnošenja zemljišta;
- povećanje površina obradivog poljoprivrednog zemljišta;
- smanjenje površina neobradivog poljoprivrednog zemljišta;
- smanjenje površina i uređenje zapuštenog poljoprivrednog zemljišta, koje je zakorovljeno i obraslo samoniklim rastinjem.

MINISTAR

Himzo Smajić

Obrađivač akta: Hajrudin Bečić